

四庫全書

經部

欽定四庫全書

毛詩集解卷二十二

宋 段昌武 撰

小雅

閼

毛詩集解卷二十二

欽定四庫全書

毛詩集解卷二十三

宋 段昌武 撰

大雅

闕

毛詩集解卷二十三

欽定四庫全書

毛詩集解卷二十四

宋 段昌武 撰

生民之什

生民尊祖也后稷生於姜嫄文武之功起於后稷故推以配天焉

孔曰周公成王致太平制禮以王功起於后稷故推舉之以配郊天焉禮記稱萬物本乎天人本乎祖俱

為其本可以相配是故王者皆以祖配天 蘇曰周
公制禮推尊后稷以配天故為此詩言其所以尊之
朱曰此詩未詳所用豈郊祀之後亦有受釐頒胙
之禮也歟 段曰配天樂歌已見於頌祀主於嚴肅
故其辭簡此殆大臣因祀事之餘推原其所以尊者
與七月之辭相類

厥初生民時維姜嫄生民如何克禋克祀以弗無子履
帝武敏歆攸介攸止載震載夙載生載育時維后稷

鄭曰厥其也初始也 朱曰民人也謂周人也 毛

曰生民本后稷也 鄭曰時是也姜姓者炎帝之後

有女名嫫 毛曰后稷之母 鄭曰克能也 孔曰

外傳云精意以享曰禋禋祀郊禋也 毛曰古者必

鳥至之日以大牢祠于郊禋天子親往后妃率九嬪

御乃禮天子所御帶以弓韠授以弓矢于郊禋之前

段曰弓矢者男子之事使之帶弓衣執弓矢翼其

所生為男也 朱曰蓋祭天於郊而以先禋配也

鄭曰二王之後得用天子之禮 孔曰燕來主為產

乳蕃滋故重其初至之日用牛羊豕之大牢祀於郊

禋之神蓋祭天而以先禋者

配之變媒言禋者神之也 鄭曰弗之言袂也 毛曰

弗去

也去無子求有子 孔曰周語云祓除其心周禮女巫巫云祓除羣浴左傳曰祓社羣鼓檀弓云巫先祓柩皆祓除凶惡之義
祓與去意亦同 毛曰履踐也 鄭曰帝上帝也

爾雅曰履帝武敏武迹也敏拇也

郭璞曰拇迹大指處朱曰以敏字

繫於履帝武之下則歆字加於攸介攸止全句之上皆不成文也

毛曰歆饗也

孔

曰孫炎曰介者相助之義

釋文曰震有娠也

毛曰震動

也孔曰動謂懷妊而身動也左傳曰邑姜方震太叔后緡方震皆謂有身為震也

毛曰夙早

也育長也 王曰縣所謂民之初生則本由大王之

興此所謂厥初生民則本其由后稷而起也

鄭曰民賴五穀

以生其初生此民者誰歟是維姜嫄也以後稷生於姜嫄故也

鄭曰姜嫄當堯之時

為高辛氏之世妃

孔曰謂其為後世子孫之妃也未

禮史記諸書皆以姜嫄為帝嚳正妃稷為嚳子張融云即如諸書之說則帝嚳聖夫姜嫄正妃配合生子

人之常道詩何以但歎其母不美其父周魯何特立姜嫄之廟乎朱曰毛氏謂后稷為帝嚳之子與史

記等書合鄭謂帝嚳子孫之子則據緯書運歷序言高辛傳十世四百年為說李曰毛氏以稷契為帝

嚳子後世諸儒以世次考之契十四世而為湯稷十六世而為武王則是湯與王季為兄弟武王與太甲

亦兄弟也其相去者乃六百年而後為姜嫄之生后兄弟之列也世代繇邈不可得而知也

稷如何乎乃禋祀上帝於郊禱以祓除其無子之疾

而得其福也

孔曰姜嫄得祈郊禘者是二王之後得祭天也祀郊禘之時時

則有大神之迹姜嫄履之足不能滿履其拇指之處

王曰列子曰后稷生乎巨跡姜嫄履巨跡之拇以歆

郊禘之神助祭而止則娠而生育其所生育是為后

稷載夙則言其疾而不遲也朱曰推本其始生之

祥明其受命於天固有以異於常人也然巨跡之說

先儒或頗疑之而張子曰天地之始固未嘗先有人

也則人固有化而生者矣蓋天地之氣生之也蘇氏

亦曰凡物之異於常物者其取天地之氣弘多故其
生也或異麒麟之生異於犬羊蛟龍之生異於魚鼈
物固有然者矣神人之生而有以異於人何足怪哉
學者以耳目之陋而不信萬物之變聖人則不然河
圖洛書稷契之生見於詩易不以為怪其說蓋廣如

此曹曰夏之始祖由吞薏苡而生故姓姁氏商之始
祖由玄鳥遺子而生故姓子氏夫子之生亦由禱
於尼丘形貌肖似遂以為名字焉朱曰毛公說姜
嫄出祀郊禘履帝嘗之跡而行將事齊敏鄭氏說姜
嫄見大人跡而履其拇二家之說不同古今諸儒多
是毛而非鄭然按史記亦云姜嫄見大人跡心忻然

欲踐之踐之而身動如
孕則亦非鄭之臆說矣

誕彌厥月先生如達

他未反

不坼

勅宅反

不副

孚逼反

無菑

音災

無害以赫厥靈上帝不寧不康禋祀居然生子

毛曰誕大也

朱曰此篇多誕字皆訓為大後有不甚通者疑但發語辭耳

彌終也

鄭曰彌滿也

鄭曰終十月而生

朱曰先生首生也

姜嫄曰

之子先生者也

鄭曰達羊子也

孔曰說文曰達小羊也從羊大聲薛琮答韋昭曰羊子初

生達小名羔未成羊曰羴大曰羊

王曰達之字從羴從走曹曰南州異物志云南海中有一種水鳥

頭似鳥形乃蝦類婦人難產割裂而出者手握此物則如羊之易也

孔曰羊子以生之

易故比之坼副皆裂也

楚世家云陸終娶於鬼方氏曰女潰孕三年不乳乃剖其

左脇獲三人焉剖其右脇獲三人焉禮記曰為天子

削爪者副之是副為裂也

曹曰若簡狄剖脅而生

契修己坼背而生毛曰赫顯也 鄭曰康寧皆安也

朱曰居然猶徒然也 孔曰婦人之生首子其產

多難此後稷雖是最先生者其生之易如羊子之生

其生之時不坼剖不副裂其母故其母無菑殃無患

害天既祐令有身又使之易生是天意以此顯其有

神靈也 朱曰上帝豈不寧不康我之裡祀乎而使

我無人道而徒然生是子也

誕寘

之鼓反

之隘

於懈反

巷牛羊腓

符非反

字之誕寘之平林

會伐平林誕寘之寒冰鳥覆翼之鳥乃去矣后稷呱矣

毛曰寘置也腓辟也字愛也 朱曰會值也 蘇曰

覆蓋也翼藉也呱泣聲也 朱曰無人道而生子或

者以為不祥故棄之 孔曰嬰兒未有所知當為牛

羊所踐今乃避而愛之 毛曰牛羊而辟人者理也

置之平林又為人所收取

王曰平林非人所往來則又適會伐平林者収而生

之人而收取之又其理也故又置之於寒冰王曰猶以為適

與人會而收之未足以為異也則又誕寘之寒冰孔曰姜嫄以玄鳥至月而禋祀在母十月而生稷其

生正當冰月故得棄之冰也大鳥來一翼覆之一翼藉之王曰

寘之寒冰而鳥覆翼之則為異甚矣朱曰有此異

也故收而養之孔曰人往收取鳥乃飛去矣后稷

遂呱呱然而泣矣

實覃實訐厥聲載路誕實匍音匍反匍蒲北反克岐克嶷魚極反

以就口食藝魚世反之荏而甚反荏荏苒苒未役穰穰麻

麥蒙

莫孔反

瓜瓞

田節反

嗥嗥

布孔反

毛曰覃長也訐大也

陳曰載路滿路也

說文曰

匍手行也匍伏地也

毛曰岐知意也疑識也

蘇曰岐

嶷嶷峻茂也

朱曰口食自能食也

鄭曰謂六七歲時

鄭曰藝樹也

毛曰荏菽戎菽也

鄭曰戎菽大豆也

旆旆然長也

王曰枝旗楊起也

孔曰禾是諸禾之總名 毛曰役列也

孔曰種禾則使有行列

穠穠苗好美也

王曰成秀也

蒙然茂盛也

王曰蒙密也

嗥嗥

然多實也

孔曰上既言收取后稷此說其長養之

事 蘇曰后稷之生其體實長且大其聲則載於路

也 朱曰滿路言其聲之大

鄭曰能匍匐則岐岐然意有所知

以下
原闕

曰治去豐草然後嘉穀得殖故種之黃茂

曹曰凡田一歲曰苗

初反草也二歲曰新田始為田也三歲曰畚乃成熟也今後稷於豐草荒穢之地弗治而播種焉而其生則黃而且茂若有神相之也孔曰種之黃茂以下皆說嘉穀茂盛

故言黃茂以總之朱曰后稷之穡如此堯以其有

成功於民封於郃使即其母家而居之以主姜嫄之

祀故周人亦世祀姜嫄焉

孔曰郃國應自有君此或絕滅或遷徙故以其地封后

稷也曹曰姜嫄蓋有郃氏女炎帝之後姜姓所封也本其所自出所以彰其慶也李曰以郃為姜嫄

父母之國於經無所考據

誕降嘉種維秬維秠

乎鄙反

維糜維芑恒

古鄧反

之秬秠

是穫是畝恒之糜芑是任音壬是負以歸肇祀

毛曰秬黑黍也秠一稊二米也

孔曰郭璞云秠亦黑黍也中米異耳秬是

黑黍之大者秠是黑黍之中有二米者

糜赤苗也芑白苗也

孔曰釋草糜作蒙者

同郭璞云蒙今之赤梁粟芑今之白梁粟皆好穀也

恒徧也

孔曰言種之廣多故以恒為徧

王

曰任者肩任之也

蘇曰任擔也

負者背負之也

毛曰肇

始也王曰后稷既有邠家室矣則又擇嘉種而

誕降之以教民藝

孔叢子魏王問子順曰寡人聞昔者上天神異后稷而為之下嘉穀

周遂以興答曰天雖至神自古及今未聞下穀與人
也詩美后稷能大教民種嘉穀以利天下故詩曰誕
降嘉種猶書所謂稷降播種農殖嘉穀也黃曰意
后稷以前未嘗無黍稷之種也特未別其維秬維秠
維糜維芑后稷教民稼穡而為之別其類以時所謂
其耕種也故曰誕降嘉種言后稷降之於民也所謂

嘉種則秬也秠也糜也芑也蘇曰徧種之既成獲

而棲之於畝負任以歸而始祭天

朱曰秬秠言獲
糜芑言任負互文

耳王曰后稷始受國為祭主故曰肇祀

誕我祀如何或春

傷容反

或揄

音由

或簸

波我反

或蹂

音柔釋之

叟叟

所留反

烝之浮浮載謀載惟取蕭祭脂取羝

都禮反

以

輶

蒲末反

載

燔音煩

載

烈

以興

嗣

歲

毛曰揄抒

食汝反

臼也

孔曰謂抒米以出臼也

劉曰

蹂

以脫

其穗

毛曰釋浙

星歷反

米也

孔曰浙米謂洮米也

叟

叟

聲也

浮

浮

氣

也

孔曰傳以洮米則有聲

烝飯則有氣

鄭曰

惟思也

孔曰

釋草云

蕭

荻今人所謂

荻蒿可作

燭有香氣

故祭祀以

脂藝之

也脂祭牲之脂也

毛曰

羝羊

牡羊也

孔曰祭不用牝釋畜云羊

牡物牝牝

郭璞曰

牝謂吳羊

輶道祭也

鄭周禮注曰行山曰

輶封土為

山象以菩

芻棘栢為

神主既祭

以車轆之

孔曰

犬人云伏

瘞亦如之

鄭司農云

伏為伏

犬以王車轅之此用熟亦伏體轅上曹曰其傳火
牲天子以大牢則諸侯以羊卿大夫用酒脯

曰燔

孔曰謂加火燒之

貫之加于火曰烈

孔曰即今之炙肉也

朱曰我

祀承上章而言后稷之祀也孔曰此言將祭之事

以所得秬秠糜芑之粟或使人在碓而舂之或使人

就臼而舂之劉曰或艱以揚其糠朱曰或蹂禾

取穀以繼之孔曰既蹂舂得米乃浸之於盆淅而

釋之其聲叟叟然又炊之於甑爨而烝之其氣浮浮

然鄭曰釋之烝之以為酒及簋簋之實朱曰謀

惟戒祭祀之事也

劉曰載謀謂卜日擇士也載惟謂致齊滌慮也於是或取

蕭以祭脂

毛曰取蕭合黍稷臭達牆屋既奠而後藝蕭合馨香也王曰取蕭祭脂則宗廟之

祭非臭也

曹曰其後周人宗廟之祭尚臭蓋本諸此

或取羝以祀較或燔之

或烈之

曹曰宗廟與較皆有尸載燔載烈所以為尸羞也

四者皆泛言祭祀

之事

毛曰以興嗣歲興來歲繼往歲也

孔曰欲以興起來歲

使之繼嗣往歲而常得豐年也

印

五郎反

盛

音成

于豆于豆于登其香始升上帝居歆胡臭

亶時后稷肇祀庶無罪悔以迄于今

毛曰卬我也木曰豆瓦曰登豆薦菹醢也登大羹也

孔曰釋器云木豆謂之豆瓦豆謂之登天官醢人掌四豆之實皆有菹醢是豆為薦羞菹醢也公食大夫禮云大羹清不和實於登是登為盛大羹也上古之羹不調以鹽菜清者肉汁也王曰釋之烝之簋簠尊爵之實也烝俎實也豆登則實以菹醢大羹之器也或言其器或言其實互相備也鄭曰始

升其馨香始上行也居安也歆饗也董曰傳曰鬼神食氣謂之歆

胡何也朱曰臭香也鄭曰亶誠也毛曰迄至

也王曰我今盛於豆登謂周室尊祖以配天之祭

也李曰前章言后稷肇祀為祭宗廟此章言後世既有天下郊天配以后稷也先儒謂后稷祀天殊不

知魯郊上帝成王之賜伯禽之受皆非禮也而謂堯與稷亦然乎董曰先儒謂后稷得祭天者二王之後也后稷於舜不得為二王之後況主禋祀者虞賓既立豈后稷得祀天耶曹曰大羹不

和陶瓦無文至薄也

王曰於郊祀言豆登然其香始則不以多品為貴也

升而上帝則居然歆之

朱曰言應之疾也

胡氣臭而信能若

是乎

鄭曰何芳臭之誠得其時乎

朱曰此何但芳臭之薦信得其時哉蓋自后稷之肇祀則庶無

罪悔以得至于今

自后稷肇祀宗廟社稷以來世修其業是

以上天眷顧無窮也

曾曰自后稷肇祀以來前後相承兢兢業業惟恐有一罪悔獲

戾于天閭數百年而此心不易故曰庶無罪悔以迄于今言周人世世用心如此也

李曰因郊

天之際而念后稷之始得百穀以肇祀 曹曰天相
后稷以稼穡之道后稷能奉天意而成之民被無窮
之澤則后稷自當配天非由子孫有天下始膺推尊
之禮也

生民八章四章章十句四章章八句

行葦忠厚也周家忠厚仁及草木故能內睦九族外尊
事黃耆養老乞言以成其福祿焉

黃曰周家忠厚仁及草木乃合言周家之君而非謂

成王也自故能以下則言成王因其祖宗之忠厚而能以忠厚繼之也故能蓋因彼而能此之辭惟周家世積忠厚則成王之所以耳聞目見者皆忠厚之事也薰陶漸漬者皆忠厚之風也其所躬行其所發見者豈能外此而為治乎內睦而盡其歡外尊事而盡其敬此皆忠厚之遺餘也東萊曰自周家忠厚以下論成周盛德至治則得之然非此詩之義也意者講師見序有忠厚之語而附益之歟

朱曰序以詩有勿踐行葦而曰

仁及草木有以祈黃耆而曰尊
事黃耆養老乞言則序之誤也

敦

徒端反

彼行葦牛羊勿踐履方苞方體維葉泥泥

乃禮反

戚戚兄弟莫遠具爾

朱曰興也 毛曰敦聚也

朱曰句萌之時

行道也

孔曰釋

草云葦葭也初生為葭長大為蘆成則名為葦 朱

曰勿戒止之辭也 丘曰苞抱籜也 鄭曰體成形

也 毛曰葉初生泥泥

朱曰柔澤貌

戚戚內相親也

孔曰親親

起於心內故言內相親戚戚為內相親惟體之深者為能識之

鄭曰莫無

也朱曰莫猶勿也具猶俱也 蘇曰爾近也 鄭曰敦敦然

道旁之葦牧牛羊者毋使躡履折傷之 李曰此葦

方苞方體其葉又泥泥而美又孰忍傷之哉 陳曰

兄弟不可相遠 東萊曰敦彼行葦方苞方體維葉

泥泥其可使牛羊踐履之乎戚戚兄弟其可踈遠而

不親近之乎忠厚之意藹然見於言語之外矣朱曰此方

其開宴設席之初而慙慙篤厚之意藹然已見於言語之外矣下章之燕樂皆所以

樂乎此也

或肆之筵或授之几肆筵設席授几有緝七習御反

毛曰肆陳也鄭周禮注曰鋪陳曰筵藉之曰席孔曰

在下為鋪陳在上人所蹈藉故在下者稱筵在上者稱席毛曰設席重席也鄭

曰緝猶續也御侍也毛曰緝御蹠之容也劉曰肆之筵所以

行燕禮也授之几者優尊也李曰重席者即周官司几筵所謂設莞筵加繅

席蒲筵加莞席重席是也鄭曰年稚者為設筵而已老者加之以几曹曰几尊者所憑以為安鄭

曰老者既為設重席授几又有相續代而侍劉曰更其僕御

所以優老不暫闕其侍從也主陳曰非特肆筵而

已又有重席非特授几而已又有侍御之人

或獻或酢洗爵奠斚

古雅反

醢他感反

醢以薦或燔或炙嘉

穀脾臠

渠略反

或歌或嘏

五洛反

毛曰斚爵也夏曰醢殷曰斚周曰爵

孔曰謂之斚者明堂位注謂畫

禾稼也

蘇曰醢醢蓋醢之多汁者也

鄭曰薦之禮韭菹則醢醢也孔曰

醢肉汁也蓋用肉為醢特有多汁故以醢為名其無汁者自以所用之肉魚鴈之屬為之名也醢所以擣菹禮遵豆偶有醢必有菹醢人云朝事之豆韭菹醢是也鄭曰燔用肉炙用肝

毛曰臠函也

孔曰

服虔通俗云口上曰臠口下曰函說文云函舌也又云口裏肉也

歌者比於琴瑟也

孔曰經傳諸言歌者皆以絃和之

徒擊鼓曰嘒

鄭曰進酒於客曰獻客答曰酢主人洗爵醕客客受

而奠之不舉也

孔曰所洗所奠一物也儀禮飲解諸亦云卒爵是爵為總稱作詩者因洗

奠之別變其文耳

曹曰按文王世子曰若公與族

人燕則異姓為賓膳宰為主人異姓為賓者以同姓

無相賓客之道也膳宰為主人者以君尊不親獻酒也如是則獻與酢皆非宗族親行之禮推諸侯以見

王者當亦然耳罕商爵也舉

商爵者見周之親親尚矣孔曰於獻酒之時則用

醢醢以薦之或燔其肉或炙其肝以為羞所謂嘉殽

則脾之與臠

曹曰脾與臠以為嘉羞故謂之嘉殽

酒殽既備又作樂助

歡 曹曰由親親而後尊賢由尊賢而後敬老此二

章序親親也

敦

弓既堅四鍤

音侯既鈞舍捨

矢既均序賓以賢

毛曰敦弓畫弓也天子敦弓

孔曰敦與彫古今字之異彫是畫飾之義弓人

為弓惟言用漆不言畫則漆上又畫之 李曰荀子云天子彫弓諸侯彫弓大夫黑弓何休公羊注亦曰天子彫弓諸侯彫弓大夫嬰弓士盧弓此言敦弓即所謂天子彫弓也

爾雅曰金鍤剪

羽謂之鍤

孔曰方言云關西曰箭江淮謂之鍤則鍤者鐵鍤之矢名也

後漢南蠻傳其民戶

出雞羽三十鍤

毛曰鍤矢參亭

孔曰鍤是矢參亭者也矢人為鍤矢三分一在前二在後

彼注云三訂之而平者前有鐵重也
四矢皆輕重鈞亭故言四鏃既鈞

鄭曰舍釋也曰

釋謂既射
放矢也

丘曰均徧也謂四鏃徧釋之射以中多者

為賢

鄉射禮曰若右勝則曰右賢
於左若左勝則曰左賢於右

朱曰既燕而射以

為樂也

孔曰王肅以此為燕射
於燕旅酬之後乃為之

鄭曰序賓以賢謂以

射中多少為次序

東萊曰此兩章鄭玄以為將養

老大射擇士王肅以為燕射以詩之所序考之儀禮

王肅之說是也孔穎達難王肅燕射之說謂燕射旅

酬之後乃為之不當設文於曾孫維主之上豈先為

燕射而後酌酒哉遂從鄭氏以為大射抑不知此篇
乃成周燕宗族兄弟之詩非大射擇士時也按儀禮
燕射如鄉射之禮射雖畢而飲未終舉觶無筭爵獻
酌尚多言酌大斗祈黃耆於既射之後亦豈不可乎
然學者讀此詩當深挹順弟和樂之風以自陶冶若
一一拘牽禮文則其味薄矣

敦弓既句

古豆反

既挾

子協反

四鍤

四鍤

如樹

序賓

以不侮

孔曰既句是引滿時也

又曰

穀與句字雖異音義同

說文云穀張弓也

二京賦曰

形弓
斯殺

鄭曰射禮搯三挾一箇言已挾四鏃則已徧釋

之孔曰搯者搯也挾謂手挾之射用四矢故搯三於帶間挾一以扣弦而射也射禮每挾一矢今言挾

四鏃故知己徧釋之也按大射禮搯三挾一箇謂卿大夫若其君則使人屬矢不親挾也

丘曰四鏃

如樹言皆著於侯如以手植之也

曹曰言其巧且力也

朱曰不

侮不以中病不中者也射以中多為雋以不侮為德

朱曰不侮敬也令弟子辭所謂無懈無傲無惰立無踰言者也

東萊曰四鏃既鈞泛

言射者也故繼之曰序賓以賢四鏃如樹專言勝者

也故繼之曰序賓以不侮 曹曰此二章序尊賢也

若公與族人齒族食世降一等則不以賢否為序故知其為尊賢耳

曾孫維主酒醴維醕

如主反

酌以大斗以祈黃耆

毛曰曾孫成王也

朱曰此詩作於成王之時則蓋謂成王也而說者於他詩所謂曾孫

皆以為成王則誤矣

王曰醴酒正所謂醴齊也成而汁滓相將

如今甜酒也以養老故兼設甜酒

毛曰醕厚也

說文

曰醕厚酒也

大斗長三尺也

孔曰謂其柄也漢禮器制度注勺五升徑六寸長三尺是

也孔曰祈訓為求黃黃髮也耆老也

王曰序賓以

賢人以不侮矣而為之主者則曾孫也

孔曰周之先王皆親親而

敬老成王承先王之法度而為主
人言曾孫明先王亦然也

曹曰三章言燕族人

故以膳夫為獻主此章言養老養老必成王親之故

復言曾孫維主也

李曰成王之為主人而酒醴皆

厚矣遂酌以大斗以祈求黃耆而乞言也

朱曰祈黃耆頌禱之

辭按古器物款識多此語如云用斚萬壽用斚眉壽
永命多福用斚眉壽萬年無疆皆此類也

王曰以

祈黃耆則序所謂養老乞言也

東萊曰酌大斗而祈黃耆飲之也頌

禱與乞言皆在其中矣不必專指一端也

黃耆台背以引以翼壽考維祺以介景福

毛曰台背大老也

鄭曰台之言鮐也大老則背有鮐文舍人曰老人氣衰皮膚消瘠

背若鮐魚也

董曰引謂引之以美翼謂輔翼之也 毛曰

祺吉也

釋文曰介大也

鄭曰景福大福也

東

萊曰前章言成王厚酒醴以酌黃耆此章言黃耆相導左右成王庶其登壽考而介景福也 段曰此詩

毛氏七章二章章六句五章章四句鄭氏析為八章

以文考之當從毛氏一章以行葦興兄弟宜作六句

二章言陳設宜作四句三章言燕樂宜作六句後四章則不可增損毛鄭所同也

行葦七章一章六句次章四句三章六句後四

章章四句

既醉太平也醉酒飽德人有士君子之行

下孟反焉

丘曰成王之時天下太平無所施為但燕羣臣而已

陳曰君臣沉湎於上而天下之民穀粟不繼饑窮

無聊朝夕相聚欲為戎首君雖有酒豈能獨樂夫惟

民俗安靖於下君臣肅恭於上於是因祭祀之餘旅
酬徧及非夫太平之時能若是乎 東萊曰醉酒飽
德以下皆講師附益之辭 朱曰序亦與詩不協疑
此詩乃族人相燕答行輩之詩若小雅之天保云耳
族人親親故所以祝王皆室家子孫之事

既醉以酒既飽以德君子萬年介爾景福

朱曰德王之德也 鄭曰君子斥成王也 朱曰爾

亦指王也 鄭曰景大也 蘇曰周自文武至于成

王而天下平無所復事故君子作詩言王與羣臣祭畢而燕於寢旅酬至無筭爵醉之以酒而飽之以德

呂曰既飽以德熟觀是禮而有得也 陳曰燕接之間恩澤充足故言既飽以德 黃曰聞醉酒之能敗德未聞醉酒之能飽德也 孔子曰吾食於少施氏而飽少施氏食我以禮 段曰孔子之所以飽者以待已有禮也至食於季氏不食肉而飽其待已不以禮耳

曹曰君子萬年介爾景

福此羣臣祝君之辭也

既醉以酒爾殽既將君子萬年介爾昭明

鄭曰殽俎實也

孔曰歸俎者以牲體實之於俎也楚茨篇為俎孔碩或燔或炙 國語晉

獻公令司正實爵與史蘇
曰賞女以爵罰女以無穀

毛曰將行也朱曰亦奉持而進之意

黃曰以將其厚意之將王曰昭明明德也李曰成王之待臣

下如此故欲其君有萬年之壽孔曰天又光大汝

成王與之以昭明使之永作明君也丘曰謂發其志慮也黃曰猶

錫王勇智之意曹曰老將至而耄及之古人所病
天既錫成王以壽考又助之以昭明則受福無窮

昭明有融高朗令終有俶公尸嘉告

朱曰融明之盛也春秋傳曰明而未融曹曰明而融則得中和之美而不流於太察

也毛曰朗明也朱曰虛明也曹曰卓然有以周物然後謂之高明也鄭曰令

善也 東萊曰周之追王止於太王則宗廟之祭尸

之尊者乃公尸也

曹曰祭統曰祭之道孫為王父尸所使為尸者於祭者子行也父北

面而事之所以明子事父之道也注云若祭祖則用孫為尸皆取於同姓之嫡孫也曲禮曰凡為人子者祭祀不為尸注云必卜筮無父者是則尸常用嫡孫而無父者矣若非宗廟之尸則不必同姓曾子曰王者宗廟以卿為尸公近則嫌故避而不用今曰公尸者公君也謂后稷羣公之尸也其有曰皇尸者皇王也謂大王王季文武之尸也詩人互舉之耳 毛曰俶始也 鄭曰嘉告以

善言告之謂嘏辭也

黃曰有祝辭有嘏辭祝以孝告嘏以慈告公尸嘉告先儒以為奉

牲以告之意愚以為此非祝辭也嘏辭也宗祝傳公尸之辭以告主人

丘曰言羣臣願

王明聖而又獲善終也

朱曰高朗而又善終所謂攸好德考終命也

陳曰

王之所以能高明善終者何由知之蓋有其始矣

朱曰

欲善其終者必善其始今固未終也而既有其始矣於是公尸又嘉告之

東萊曰自既醉

以酒至高朗令終皆祭畢而燕頌禱之辭也自令終有俶至於卒章皆追道祭之受福以明頌禱之實也其告維何籩豆靜嘉朋友攸攝攝以威儀

爾雅曰竹豆謂之籩木豆謂之豆鄭曰靜嘉潔清

而美也

劉曰靜言其滌濯且敬也嘉言其新美而時也

朱曰朋友指助祭者

陳曰共事之人 蘇曰王之友人也 鄭曰攸所也 蘇曰攝檢也 孔

曰公尸以善言告者是何故乎由祭饌則潔清而美

鄭曰籩豆之物潔清而美政平氣和所致 王曰其設之也不諱而為之也至美與執饗踏踏為俎孔碩

君婦莫莫為豆孔庶同意 陳曰 助祭者又相斂攝

以威儀當神之意也 孔曰各自收斂以相佐助為威儀之事祭義所謂濟濟漆漆是

也 王曰攝以威儀則其助祭也莫或敢慢與既齊既稷既匡既勅同意

威儀孔時君子有孝子孝子不匱 求位 永錫爾類

鄭曰孔甚也 孔曰時謂時節 曹曰宗廟之祭也主人則其親也愬其行

也趨趨以數賓客則濟濟漆漆然各致其至故威儀甚得其時也

朱曰孝子主人之

嗣子也儀禮祭祀之終有嗣舉奠

呂曰祭祀之終有嗣舉奠所以致其

傳付祖考德澤之意深矣

毛曰匱竭也類善也

東萊曰成王與

助祭者威儀既得其宜又有嗣子之孝舉奠於後其

孝可謂源源不竭矣神之錫汝以善宜其永永不替

也

曹曰子孫各以孝敬之道轉錫予其族類其施豈有窮哉是以不匱也叔向語單靖公曰類也者不

忝前哲之謂其言得之

黃曰洪範所謂錫厥庶民謂人君以中道錫之民也則所謂錫者何必曰天孟

子謂聖人之於民亦類也書所謂別生分類則所謂類者何必曰善如頤考叔愛母而施及莊公如斯而

已

其類維何室家之壺

苦本反

君子萬年永錫祚胤

羊又反

爾雅曰官中巷謂之壺

董曰壺者內也自內以達外也黃曰猶言家室之中也

朱曰祚福也胤子孫也錫之以善孰大於此

其胤維何天被

皮寄反

爾祿君子萬年景命有僕

鄭曰被覆被也

毛曰僕附也

王曰屬也孔曰以僕御必附近於人故

以僕為附

孔曰前章言永錫祚胤謂祚及後胤也此章因

其句末而轉之故云其胤維何其實先言祚耳朱

曰言將使爾有子孫者先當使爾被天祿而為天命之所附屬下章乃言子孫之事

其僕維何釐

力之反

爾女士釐爾女士從以孫子

毛曰釐予也

鄭曰女士女而有士行者從隨也天

既予女以女而有士行者謂生淑媛

于春反

使為之妃

又使生賢知

音智

之子孫以隨之謂傳世也

蘇曰予之以女士而

其子孫無不賢者矣

曹曰

如謂未嫁之女未娶之士

既醉八章章四句

鳬鷺守成也太平之君子能持盈守成神祇祖考安樂之也

孔曰物極則反或將喪之成之既難守亦不易故所

以美其能守之也

黃曰有可持之資必有自恃之心當至足之時必有自足之志此人

之情也可恃而不自恃愈足而愈不足此非知進退存亡之理者能之乎天下之理極則必反盛則必衰日之中也昃月之盈也虧其時極其數窮也聖人知進之必有退存之必有亡是以無虞焉而傲無難焉而畏苞桑之繫常戒於無事之時薄冰之履常謹於安強之後天下之治已休休而聖人之心愈兢兢此非固為矯激之行也聖人之心若曰我祖我父夙夜憂懼不敢康寧基天命於宥密成王業於艱難則盈

成之功豈一朝一夕之所能致哉既盈矣予不能持
既成矣予不能守豈我祖我父之心與豈天地神人
之心與人皆以盈成為可喜而聖人以盈成為可懼
蓋盈者傾之幾而成者敗之漸也故天下雖有泰山
之安而聖人常以累卵為心不敢驕也懼其驕而不
能持也不敢怠也懼其怠而不能守也持守之誠盡
於吾心之中而神祇祖考安樂於冥冥之際蓋幽明
一理也神人一心也冥冥之中雖不可知然以理推
之以心求之其安樂也必矣豈特脩物而後饗哉高
而不危滿而不溢聖人以為諸侯之孝則盈而能持
成而能守豈非天子之孝與聖人以孝祭非以物祭
神明非饗其物饗其心神祇祖考安樂之說宜求於
此

李曰人苟不安神何所依惟能持盈守成神祇亦

得安矣

鳧鷖在涇公尸來燕來寧爾酒既清爾殽既馨公尸燕飲福祿來成

朱曰興也

毛曰鳧水鳥也

孔曰釋鳥鴈一名沈鳧郭璞云似鴨而小長尾

背上有文今江東亦呼為鴈陸疏云大如鴨青色卑脚短喙水鳥之謹愿者也鷖鳥屬孔

蒼頡解詁云鷖鴈也

孔曰地理志云涇水出今安定涇陽張

曰鳧鷖言天子之祭而言公尸何也當成王之時為

王尸者有文王武王其上皆公尸也故言公尸之尊

者

曹曰天曰神地曰祗人曰祖考皆有尸尸蓋神祗祖考之所依者也神祗祖考安樂之狀不可得而

見也既祭而燕尸於廟其事尸之禮猶事神也觀公尸安樂之狀則神祇祖考從可知矣

鄭曰爾

者成王也

毛曰馨香之遠聞也

歐陽曰鳧鷖在

涇在沙謂公尸和樂如水鳥在水中及水旁得其所

爾在渚在漑在疊皆水旁耳鄭氏曲為分別以譬在宗廟等處者皆臆說也黃曰詩人以為神之安樂

可知也而神之格思不可度思或在天或在廟或在其上或在其左右此不可知也是以廣託之在涇在沙在渚在漑在疊以為況所以見神之無所不在而

祭者之心以為如在也祭必立尸禮也尸既安樂而後神得以燕饗之降之福李曰公尸來燕來寧言公尸來燕飲而安寧孔曰福祿來成汝孝子也

鳧鷖在沙公尸來燕來宜爾酒既多爾殽既嘉公尸燕

飲福祿來為

于偽反

毛曰沙水旁也劉曰宜宜之也鄭曰為猶助也

毛曰厚為孝子也

鳧鷖在渚公尸來燕來處爾酒既湑

息汝反

爾殽伊脯公

尸燕飲福祿來下

毛曰渚止也

孔曰水中高地為渚

處止也滑酒之沛者也

釋文曰與

左傳縮酒同義

鳧鷖在梁

反在公

公尸來燕來宗既燕于宗福祿攸降公

尸燕飲福祿來宗

毛曰梁水會也

說文曰小水入大水也

宗尊也

鄭曰于宗宗

廟也 呂曰崇積而高大也

鳧鷖在壺

音門

公尸來止熏熏

許云反

旨酒欣欣燔炙芬芬

公尸燕飲無有後艱

毛曰壺山絕水也

孔曰謂山當水路今水勢斷絕也後漢書馬援傳浩壺注云浩水名

也壺者水流峽山間兩岸深若門也

熏熏和說也欣欣然樂也芬芬香

也鄭曰令王自今無有後艱

鳧鷖五章章六句

假樂嘉成王也

假音暇

假樂君子顯顯令德宜民宜人受祿于天保右命之自

天申之

毛曰假嘉也

朱曰中庸春秋傳皆作嘉

陳曰民在下之民也人在

位之人也

車陶謨曰知人則哲能官人安民則惠黎民懷之

黃曰宜民宜人特以形容其得

民之深如此不必分民與人也

毛曰申重也

歐陽曰詩人嘉樂成

王有顯顯之德

黃曰假釋文云音暇與閒暇之意通則所謂假樂君子者猶太平君子豈

弟君子之稱也

以宜其民人而受天之祿

曹曰人之所欲天必從之黃曰君

有是德民有是情天有是理

朱曰天之於成王反覆眷顧之不厭

既保之右之命之而又申重之也

千祿百福子孫千億穆穆皇皇宜君宜王不愆不忘率

由舊章

鄭曰干求也十萬曰億爾雅曰穆穆敬也皇皇美

也

鄭曰天子穆穆諸侯皇皇

孔曰君諸侯也王天子也鄭曰愆

過也率循也劉曰舊章先王之禮樂政刑也蘇

曰成王干祿而得百福

曹曰福者百順之名成王以百福求祿

故其子

孫之蕃至於千億適為天子庶為諸侯無不穆穆皇

皇以遵成王之法者

曹曰宜君宜王皆詩人形容其子孫之盛而樂其有天下云耳

威儀抑抑德音秩秩無怨無惡

烏路反

率由羣匹受福無

疆四方之綱

鄭曰抑抑密也

毛曰秩秩有常也

鄭曰羣匹羣

類也

鄭曰匹耦也

朱曰羣臣也

曹曰易於君臣之際常以夫婦為象者有配之義焉故謂之羣

也

歐陽曰言成王有威儀有令德其臨下無有怨惡

於人率用羣臣以共治之

黃曰威儀之抑抑德音之秩秩蓋所以使其君臣之

間歡欣和睦各不相怨各不相惡率由其匹耦而守職也

王享其福祿總其綱紀

而已

李曰既率用其羣臣於是無為在上而但總其大綱

蘇曰從衆之欲而已

不自為是以能受無疆之福為四方之綱

之綱之紀燕及朋友百辟卿士媚

眉備反

于天子不解

佳賣

反于位民之攸暨

董曰大作綱小作紀綱為統紀為目

鄭曰燕者燕

飲也毛曰朋友羣臣也

東萊曰秦誓曰友邦冢君酒誥曰太史友內史友則

朋友者合百辟卿士言之也

董曰百辟諸侯也卿士諸臣也

鄭

曰媚愛也毛曰暨息也

黃曰國之存亡歷數之

短長亦觀其所以綱紀天下者如何耳李曰綱紀

既正無為在上與臣下燕飲而樂之朱曰百辟卿

士媚而愛之維欲其不解于位而為民所安息也

曹曰

當燕安無事之日可以自逸矣然猶不解于位則以愛天子之故思所以盡心焉耳

黃曰卷阿之詩前

一章曰媚于天子後一章曰媚于庶人所以見媚于天子之道特在於媚于庶人而已

東萊曰

君燕其臣臣媚其君此上下交而為泰之時也泰之時所憂者怠荒而已此詩所以終於不解于位民之攸堅也方嘉之又規之者蓋皋陶賡歌之意也民之勞逸在下而樞機在上上逸則下勞矣上勞則下逸矣不解于位乃民所由以休息也

假樂四章章六句

公劉召康公戒成王也成王將涖政戒以民事美公劉之厚於民而獻是詩也

孔曰周本紀云后稷生不窋不窋生鞠陶鞠陶生公

劉是后稷之曾孫也后稷本封於郃

史記曰夏后氏政衰去稷不務

不窋失其官而奔戎狄之間不窋孫公劉雖在乎戎狄之間復修后稷之業

王曰周之有

公劉言乎其時則甚微言乎其事則甚勤稱時之微以戒其盈稱事之勤以懲其逸蓋召公之志也 黃

曰推美公劉者蓋以乃祖乃父之事乃人情之所素
信也七月之詩必以后稷公劉為戒無逸之書必以
大王王季文王為說善進戒於君者皆如是也 陳
曰公劉之詩相類七月之詩七月言先公之風化而
公劉則言建國君民之事風雅之不同如此 劉濟
曰周公師道也故於鴟鴞則曰遺召公臣道也故於
是詩則曰獻

篤公劉匪居匪康廼場

音

廼疆

廼積

廼倉

廼裹

音

餼糧

于橐于囊思輯用光弓矢斯張干戈戚揚爰方啟行

毛曰篤厚也

鄭曰康安也

董曰場畔也疆界也

積委積也

朱曰露積也

餽食也糧糗也

毛曰小曰橐大

曰囊

孔曰左傳稱趙盾見靈轍餓為之葷食與肉寘諸橐以與之橐惟盛食而已是其小也公羊傳

稱陳乞欲立公子陽生盛之巨囊內可以容人是其大也董曰無底曰橐有底曰囊

毛曰輯

和也

鄭曰干盾也戈勾矛戟也

毛曰戚斧也揚

鉞

孔曰廣雅曰鉞戚斧也則戚揚皆斧鉞之別名傳以戚為斧以揚為鉞鉞大而斧小太公六韜云大

柯斧重八斤一名天鉞是鉞大於斧也左傳工尹路曰君王命剝圭以為鉞秘注鉞斧也秘柄也

朱

曰方猶始也

蘇曰后稷始封於邠傳子不窋而失

其官葬於戎狄之間再世不顯其孫公劉復修后稷之業始居於豳故召公稱之以教成王 朱曰言厚

哉公劉之於民也其在西戎不敢寧居以治其田疇實其倉廩既富且彊廼裹其餼糧思以輯和其人民

而光顯其國家於是以其弓矢斧鉞之備爰始啓行

而遷國於豳焉

曹曰于橐于囊則糧聚矣于戈戚揚則兵治矣足食足兵於是乃可以遷

黃曰公劉不輕於用民也必先有以蓄民之財治民之情而後用民之力史記曰公劉修后稷之業耕

種治地行者有資居者有蓄即此詩之證孟子論此章曰居者有積倉行者有裹糧然後可以爰方啓行然後可三字足以見公劉厚民之心

東萊曰毛鄭以公劉居於邠而遭

夏人亂避難遷於豳且以為在邠有疆場積倉為夏人迫逐乃棄而去考之是章意象整暇不見迫逐之事以國語史記叅之蓋自不窋已竄于西戎至公劉而復興疆場積倉內治既備然後裹糧治兵拓大境土而遷都于豳焉國都雖遷向之疆場積倉固在其封內也

曹曰然則公劉之遷固非倉卒逃難也意者戎狄地寒瘠确不宜農事而豳土廣美可以

修后稷之業歟若以為公劉避難而遠則不得如是之安詳矣

篤公劉于胥斯原既庶既繁既順迺宣而無永嘆

他安反

陟則在嶽

魚輦反

復降在原何以舟之維玉及瑤

音瑤遙韞頂必

反

琫

必孔反

容刀

曹曰于於也

毛曰胥相也

鄭曰廣平曰原

朱

曰順猶安也

毛曰宣徧也

朱曰居之徧也曹曰導也

曹曰陟

則自高以視下降則由下以望高

毛曰嶽小山別

於大山也

孔曰郭璞曰山形如累兩甌上大下小

舟帶也

孔曰瑤是

玉之別名 毛曰下曰韉上曰琫

孔曰韉者刀鞘之名琫者鞘之上飾

曹曰琫天子以玉諸侯以金 朱曰容刀容飾之刀也或曰容刀如言容受謂韉琫之中容此刀耳

朱曰此章言至幽而相土也 鄭曰厚乎公劉之相

此原以居民民既衆矣既多矣既順矣皆安今之居

而無長歎思其舊也

曹曰公劉相廣平之地民之從公劉而遷者十有八國可謂衆

且繁矣然皆順公劉之意而無或違者夫以盤庚之遷猶率籲衆感協比諛言于一人而公劉之遷乃無不順民樂從其上如此公劉於是宣導其情從其所欲使無念舊而起歎息愁恨之聲焉 公劉之相此原地也由原而升巘復下而在原言反覆之重

居民也 孔曰公劉帶美玉及瑤并鞞琫容飾之刀
朱曰言帶此佩而上下山原以相邑居之所也

東萊曰躋攀跋涉賤者之事非貴者所能堪也公劉
陟嶽降原其勞如此視其何所佩服乎則維玉及瑤
鞞琫容刀也以如是之佩服親如是之勞苦斯其所
以為厚於民歟 蘇曰民愛之於是相與進玉瑤容
刀之佩以帶之

篤公劉逝彼百泉瞻彼溥原廼陟南岡廼覲于京京師

之野于時處處于時廬旅于時言言于時語語

鄭曰逝往瞻視溥廣也山脊曰岡 毛曰覲見也

鄭曰絕高謂之京 朱曰京師高山而衆居之也

董曰所謂京師者始於此其後世因以所都為京師

曰嬪于京依其在京則岐周之京也王配于京則鎬

京也春秋所書京師則洛邑也皆仍其本號而稱之

猶晉之言新絳故絳也愚按洛邑謂之洛師正京師

之意也 鄭曰于於時是也 毛曰直言曰言論難

曰語 孔曰上言居民此言相都邑

王曰先定民居而後相宇厚於

民故也

鄭曰往之彼百泉之間視其廣原可居之處

張曰

逝百泉瞻溥原只者百泉之注處便知地形也自禹後可知地形以洪水之後觀天下形勢亦不難只水之所歸嚮者便見地之高下曹曰百泉在漢為朝那縣屬安定郡在唐為百泉縣屬平涼郡魏於其地置原州唐因之百泉溥原即其處也乃升南山之脊乃見其可居者於

京謂可營立都邑京地乃衆民所宜居之野也 蘇

曰公劉之營京邑也審矣自下觀之則往百泉而望廣原自上觀之則陟南岡而覲京師審其可處矣則

經畫以定之曰此可以居民此可以廬賓旅此可以

施教令此可以議政事

黃曰言言語語者見斯民權忻笑語之情而非強從也此

喜色相告也

蓋自遷幽至此而始有朝廷邑居之正焉

篤公劉于京斯依蹌蹌濟濟俾筵俾几既登乃依乃造

其曹執豕于牢酌之用匏

步交反

食

音嗣之飲於鵠反

之君之

宗之

毛曰依安也

陳曰蹌蹌濟濟者禮容之盛也

孔曰曲禮

下云凡行容大夫濟濟士蹌蹌

鄭曰俾使也

朱曰登登筵依依几

曹曰牢羣牧之處也以豕為彘用匏為爵宗尊也

朱曰此章言宮室既成而落之 鄭曰公劉居於此

京依而築宮室

段曰至此而營建之迹泯矣但見其宮室之依於高京

其既成

也與羣臣飲酒以落之 李曰其朝會之儀踴踴濟

濟 孔曰公劉使人為之設筵設几 毛曰賓已登

席坐矣乃依几矣

曹曰登席而各依其几筵之次也

執豕于牢新國

則殺禮也

曹曰乃造其曹者羣有司之執事者皆至也

酌之用匏儉以質

也君之宗之者為之君為之大宗也

朱曰飲食其羣臣而羣臣君之

宗之也曹曰雖酒穀儉薄而臣下不敢不盡敬也東萊曰食之飲之君之宗之謂既饗燕而定經制使上下相維也公劉之為君久矣於此始曰君之言公劉之整屬其民上則皆統於君下則各統於宗其相維蓋如此也古者建國立宗其事相須春秋之末晉執蠻子以畀楚司馬致邑立宗焉以誘其遺民而盡俘以歸當典刑廢壞垂盡之時暫為詐讓之計猶必立宗焉前乎此者可知矣朱曰宗主也嫡子孫主祭祀而族人尊之以為主焉

篤公劉既溥既長既景迺岡相息亮其陰陽觀其流泉

其軍三單音待各其隰原徹田為糧度其夕陽幽居

允荒

朱曰溥廣也言其芟夷墾闢土地既廣而且長也景

考日景以正四方也岡登高以望也相視也陰陽向

背寒暖之宜也流泉水泉灌溉之利也鄭曰單者

無羨卒也

孔曰小司徒云凡起徒役無過家一人以其餘為羨羨謂家之副丁也今言其軍三

單則是單而無副以周禮言三軍三萬七千五百人

孔曰度量也

鄭曰什一

而稅之徹

孔曰徹與孟子百畝而徹同孟子說三代稅法其實皆什一也朱曰徹通也一井

之田九百畝八家皆私百畝同養公田耕則通力而作收則計畝而分也周之徹法自此始其後周公蓋

因而修之耳

毛曰山西曰夕陽

鄭曰允信也

毛曰荒

大也 蘇曰宮室既成則治其田原既廣且長矣於

是考之日景參之高岡以相其陰陽寒暖之宜水泉

灌溉之利辨其土宜以授野人

孔曰民居田畝或南或北皆須正其方面

故以日景定之大名則山南為陽山北為陰但廣谷大川有寒有暖不同所宜則異故相之也流泉所以灌溉 曹曰農事自是興矣 鄭曰大國之制三軍以其餘卒為美

今公劉遷於豳民始從之丁夫適滿三軍之數度其

隰與原田之多少徹之使出稅以為國用

曹曰其軍適滿三單

之數而無羨卒則大國之制也於是量其地利之所出以制國用焉隰原有上下則田畝有美惡度其土

物之宜而以什一之法
取之則兵食皆足矣

蘇曰於是又度其山西之田

以廣之而幽人之居於此益大

曹曰幽在梁山之西其東蓋迫於山乃復

自西而度之以益其封域於是信大矣

朱曰民至此始受田有常產矣

王曰度其隰原徹田為糧則言其經野之有法度

其夕陽幽居允荒則言其體國之有制

篤公劉于豳斯館涉渭為亂取厲取鍛

丁亂反

止基廼理

爰衆爰有夾其皇澗遡其過

古禾反

澗止旅廼密為鞠

居六

反
之卽

毛曰館舍也

孔曰禮有公館私館館者宗室之名止舍其中故曰舍也

毛曰正絕

流曰亂

朱曰亂舟之義流橫度者也

朱曰厲砥石鍛鐵也 毛曰

皇澗名遡鄉也過澗名

孔曰職方氏雍州其川涇

汭注云汭在幽地詩大雅公劉曰芮鞠之即

蘇曰芮水出吳

山西北東入涇芮鞠芮水之外也毛曰芮水涯也

鄭曰芮之言內也

鄭曰水之外曰

鞠 朱曰此章又總叙其始終言其始來未定居之

時

曹曰公劉所以治內者既善且備矣至於列國交聘之賓四方阜通之旅不可以無歸也於是復治

館舍焉

王曰周官遺人之職十里有廬五十里有館廬者館也所以待行旅前言廬旅後言館

涉

渭取材而為舟以來往取厲取鍛

鄭曰可以利器用
蘇曰物有其處

厲鍛之微
皆有所取

而成宮室

李曰史記云后稷自漆沮渡渭
取材用即此章涉渭取鍛之事

既止基於此矣乃疆理其田野則日益繁庶富足其

居有夾澗者有遡澗者

張曰夾澗遡澗直
是谷谷皆人居偏

其止居之

衆日以益密乃復即芮鞠而居之而幽地日以廣矣

東萊曰止旅廼密芮鞠之即風氣日開民編日衆

規模日廣有方興未艾之象焉周之王業既兆於此

公劉六章章十句

洞音迴酌召康公戒成王也言皇天親有德饗有道也

洞酌彼行潦

音老

挹彼注茲可以饒

甫云反

饒

尺志反

豈弟君

子民之父母

毛曰洞遠也行潦流潦也

孔曰行者道也潦者雨水行道上雨水流聚故云

流潦饒也

孔曰孫炎曰烝之曰饒均之曰饒說文曰饒一烝米也饒飯氣流也然則烝米謂之

饒饒必饒而熟之

朱曰饒烝米一熟而以水沃之乃再烝也

饒酒食也豈弟君子

民之父母樂以彊教之易以說安之民皆有父之

尊有母之親

朱曰遠酌彼行潦挹之於彼而注

之於此尚可以飭饘

曹曰雨後行道上流潦黃濁而不可飲然遠而取之蓄諸大器

之中澄停既久挹取其清者而注之於此也

況豈弟君子豈不為民之父

母乎

李曰夫以行潦之水其為物也微矣以薄陋

之物薦之於天而天乃饗之者則以樂易之君子可

以為民父母故也民之視聽乃天之視聽民既從之

矣則天安得而違之乎

蘇曰孟子曰雖有惡人齊戒沐浴則可以祀上帝此所以

戒成王也

洞酌彼行潦挹彼注茲可以濯壘豈弟君子民之攸歸

毛曰濯滌也

曹曰曲禮注曰漑者陶梓之器不漑者萑竹之器濯之所以致潔也壘祭

器

孔曰司尊彝云四時之祭皆有壘是壘為祭器也卷耳云我姑酌彼金壘則饗燕亦有壘以此論祭

事故言祭耳

張曰皇天親有德饗有道民之攸歸之類也

洞酌彼行潦挹彼注兹可以濯漑

古愛反

豈弟君子民之

攸暨

孔曰特牲注云濯漑也則漑亦是洗名鄭曰暨息

也

洞酌三章章五句

卷音阿召康公戒成王也言求賢用吉士也

有卷者阿飄風自南豈

開改反

弟

待易反

君子來游來歌以

矢其音

毛曰興也卷曲也

鄭曰大陵曰阿

毛曰飄風迴

風也

朱曰豈弟君子指成王也

蘇曰言賢者也

毛曰矢陳

也王曰有卷者阿則虛中屈體之大陵飄風自南

則化養萬物之迴風不虛中則風無自而入不屈體

則風無自而留其為陵也不大則其化養也不博王

之求賢則亦如此而已

鄭曰有大陵卷然而曲迴風從長養之方入之喻王當屈

體以待賢者

曹曰如南風之入曲阿委蛇盤旋而不能去飄風則以言其感召之速也

曹曰豈

弟君子樂於循理而以平易近民人君之德也故詩

人凡美人君之德必以豈弟君子稱之如洄酌旱麓

皆指人君也湛露雖指為諸侯則亦有君道焉惟其

有豈弟君子在上謙虛降屈以求賢於是賢者來游

以觀其光來歌以發其志謀猷則入告諫諍則竭忠

不得金玉爾音矣朱曰疑召公從成王游於卷阿

之上而賦其事因遂歌以為戒也 東萊曰此章具
賦比興三義其作詩之由當從朱氏其因卷阿飄風
而發興當從毛氏以卷阿飄風而興求賢因以虛中
屈體化養萬物為比則當如鄭氏王氏之說也三說
相須其義始備

伴魚爾游矣優游爾休矣豈弟君子俾爾彌爾性似先

公酉

在由反

矣

朱曰伴魚優游閒暇之意爾指王也 王曰彌者充

而成之使無間之謂也若易彌綸之彌同 毛曰似
續也酋終也 東萊曰自此章以下皆召公陳其歌
詠之辭也國家閒暇君臣游衍可謂伴奭而優游矣
所願乎成王者惟充其性似先公之克終而已俾爾
者祝辭也彌爾性者祝其進益成就至於無虧闕之
地也似先公者召公周之尊老故其祝成王遠本先
公不忘舊也祝之所以戒之也 朱曰自此至第四
章皆極言壽考福祿之盛以廣王心而歆動之五章

以後乃告以所以致此之由也

蘇曰人君俾與優游若無事者惟得樂易

之君子以終成其性則能肖先君而就其業矣性之在人莫不固有之也然不得夫賢者不能以自成

爾土宇畋

符版反

章亦孔之厚矣豈弟君子俾爾彌爾性

百神爾主矣

毛曰畋大也

朱曰或曰畋當作版版章猶版圖也

蘇曰章著也

李曰

成王承文武之緒其土宇大而且著其厚甚矣不可

以有加也 東萊曰土宇既厚惟祝其彌爾性長為

百神之主而已天子者百神之主也苟以逸欲虧其

性則天位難保將無以主百神矣上二句歎而美之下三句祝而戒之也前後兩章亦然

爾受命長矣弟祿爾康矣豈弟君子俾爾彌爾性純嘏爾常矣

鄭曰弟福也

曹曰草多謂之弟弟祿言得福之蕃茂也

康安也純大也

蘇曰嘏福也常常享此福也

陳曰爾受天命累世

已久福祿已安矣

東萊曰自三章至此章皆歎美

祝戒之辭雖未及於求賢然成王所以彌爾性而似

先公主百神而常純嘏者果何以致之乎其意蓋在其中矣

有馮

符冰反

有翼有孝有德以引以翼豈弟君子四方爲

則

毛曰有馮有翼馮依輔翼也

蘇曰在前則有馮在側則有翼

朱曰孝

謂能事親者德謂得於己者引導其前也翼相其左

右也

鄭曰則法也

東萊曰是詩雖戒求賢然詠

歌以道之故其辭從容不迫至此章始明言賢者之

益焉有馮有翼自成王言之也成王之左右前後當有所馮依有所輔翼必多得有孝者有德者然後可也以引以翼自賢者言之也有孝有德之人在王左右以引以翼然後王德罔愆可以為四方之法也賢者之行非一端必曰有孝有德者何也蓋人主常與慈祥篤實之人處其所以興起善端涵養德性鎮其躁而消其邪日改月化有不在言語之間者矣故宣王之在內者惟云張仲孝友而蕭望之亦謂張敞材

輕非師傅之器皆此意也

顯顯印印如圭如璋令聞令望豈弟君子四方爲綱

毛曰顯顯溫貌印印盛貌

朱曰顯顯印印尊嚴也

朱曰如圭如

璋純潔也令聞善譽也令望威儀可觀法也鄭曰

令善也王有賢臣與之以禮義相切磋體貌則顯顯

然敬順志氣則印印然高朗如玉之圭璋也人聞之

則有善聲譽人望之則有善威儀德行相副蘇曰

遠之則有令聞近之則有令望陳曰爲四方之綱

紀 東萊曰此章與前章相承有馮有翼有孝有德

以引以翼則顒顒卬卬如圭如璋令聞令望矣

鳳凰于飛翯翯

呼會反

其羽亦集爰止藹藹王多吉士維

君子使媚于天子

毛曰鳳凰靈鳥也雄曰鳳雌曰凰 鄭曰翯翯羽聲

也因時鳳凰至故以喻焉 蘇曰藹藹衆多也 鄭

曰媚愛也 朱曰鳳凰于飛則翯翯其羽而集於所

止矣

東萊曰亦集爰止言其萃聚也

藹藹王多吉士則維王之所使

而皆媚于天子矣媚媚愛也非邪媚之謂也既曰君

子又曰天子猶曰王于出征以佐天子云爾 東萊

曰自此以下廣言人才之盛也 曹曰說文曰翾翾

飛聲也飛而有聲則衆羽也鳳凰希見之鳥

山海經云丹穴

之山有鳥焉其狀如鶴五采而文名曰鳳見則天下太平 劉濟曰隱見以時類賢者之出處也 不

應羣飛之衆如此則翾翾其羽者乃鳳凰飛而衆鳥

從之也說文曰鳳飛羣鳥從之以萬數古之制字則

然矣鳳凰為羽蟲之長故鳳凰飛而有所集衆鳥亦

集焉鳳凰飛而傳於天衆鳥亦傳焉猶得一賢者在
朝更相汲引則吉士吉人布於列位者藹藹然其多
矣故序詩者言求賢而用吉士蓋以求賢為主而吉
士則從賢者而來皆可得而用也

黃曰吉士吉人之
多者以有君子者

在上也此所以實其鳳凰
飛而衆羽從之之意也

鳳凰于飛翾翾其羽亦傳于天藹藹王多吉人維君子
命媚于庶人

鄭曰傳猶戾也

東萊曰亦傳于
天言布散也

命猶使也親愛庶人

謂撫擾之 黃曰媚于天子所以媚于庶人愛君故
愛民也

鳳凰鳴矣于彼高岡梧桐生矣于彼朝陽
葦葦布孔反

萋七西反 萋萋皆皆

朱曰興下章之事也 鄭曰山脊曰岡 孔曰釋木云櫨梧桐郭璞

曰今梧桐又曰榮桐木郭璞曰即梧桐也然則梧桐

一木耳 毛曰山東曰朝陽 孔曰孫炎曰朝先見曰也 鄭曰鳳凰

之性非梧桐不棲 黃曰鳳凰鳴于高山之脊者以

有梧桐之木生于朝陽之地也 毛曰萑萑萑萑梧
桐盛也雖雖喈喈鳳凰鳴也 東萊曰高岡顯地也
梧桐嘉木也鳳凰棲鳴其間可謂得其所矣故極言
萑萑萑萑之盛雖雖喈喈之樂以形容之 劉曰萬
物之理類之所感有不召而自應惟其梧桐萑萑萑
萑是以鳳凰雖雖喈喈非類之自應不期然而然耶
由此觀之則君臣感會之機可想矣

君子之車既庶且多君子之馬既閑且馳矢詩不多維

以遂歌

鄭曰庶衆閑習也 東萊曰今王之車馬既多既閑

曹曰閑而馳則賢者雜還而至安於寵榮如此苟得衆賢載之段曰車馬雖

要必使賢者得而駕之者天子之意也其光華和樂殆非形容之所能

及也有其時有其具段曰既庶且多故謂之具召公所以欲成王

勉乎此也矢詩不多維以遂歌者召公言初陳詩以

戒王其辭本不多也意不能已遂歌而至於累章耳

朱曰遂歌蓋繼王之聲而遂歌之猶書所謂賡載歌也曹曰遂專也使工師專以歌誦而進於成王

卷阿十章六章章五句四章章六句

變大雅

民勞召穆公刺厲王也

鄭曰厲王成王七世孫

孔曰世本及周本紀皆云成王生康王康王生昭王昭王

生穆王穆王生共王共王生懿王及孝王孝王生夷王夷王生厲王凡九王從成王言之不數成王又不

數孝王故七世也

李曰召穆公者召康公十六世孫也

朱曰名虎

李曰考之國語王行暴虐多傲國人謗王召公諫曰民不堪命矣王怒使人監謗召公諫曰是障之也防民之口甚於防川壅而潰傷人必多民亦如之則知穆公在厲王之世其忠諫屢矣非獨民勞與蕩

二篇也其後厲王奔於彘太子靜匿召公之家國人聞之乃圖之召公曰昔吾驟諫王王之不從以及此難也今殺王太子王其以我為怒乎乃以其子代太子太子卒得脫穆公既脫太子於難乃與周公行政謂之共和共和十四年厲王死於彘乃立太子靜為王夫以十四年之間朝廷無王召穆公乃與周公行政於天下天下不以為專宣王不以為疑此非其才如伊尹者必不能也

民亦勞止汙

許一反

可小康惠此中國以綏四方無縱詭

隨以謹無良式遏寇虐愾

七感一反

不畏明柔遠能邇以定

我王

朱曰賦也

鄭曰汙幾也

李曰易之井卦曰汙至亦未繙井汙訓幾康綏

皆安也惠愛也 毛曰中國京師也四方諸夏也

朱曰詭隨不顧是非而妄隨人也

曹曰猶云詭遇詭言也

謹飲

束之意

毛曰懔會也

呂曰懔不畏明不畏天明

也 毛曰柔安也

朱曰能順習也

鄭曰今周民

罷勞矣王幾可以小安之乎

李曰言小安者未敢望厲王大安斯民但冀其

少康之使得休息足矣

愛京師之人以安天下京師者諸夏之

根本

曹曰故惠此中國而後可以綏四方也

蘇

曰人未有無故而妄從人者也維無良之人將悅其

君而竊其權以為寇虐則為之故無縱詭隨則無良之人肅無良之人肅則寇虐無畏之人止然後柔遠能邇而王室定矣 李曰不於詭隨之時而禁止之

至於為寇虐而欲遏止之亦已晚矣

東萊曰一言而喪邦曰惟予言

而莫予違則詭隨之人誠覆邦家之人也 無縱詭隨乃所以謹無良而遏寇虐也

東萊曰小

人不畏天明苟縱而不遏其為惡無所極也

曹曰不畏天明

則青天白日之下公為蔽欺曾無畏憚

劉曰遠邇皆治則王無為矣

呂曰五章之始皆言民亦勞止惠此中國者欲王

息民而固根本也中言無縱詭隨式遏寇虐者欲王
謹察小人將恐害政也章末之言皆丁寧反覆勸王
之辭使之去危即安去惡從善也

民亦勞止汔可小休惠此中國以為民逌無縱詭隨以

謹愾

音愾女交反

式遏寇虐無俾民憂無棄爾勞以為王

休

鄭曰休止息也逌聚也

曹曰逌匹也周官太宰以九兩繫邦國之民自牧長師儒

宗主吏友藪皆所以協耦萬民而繫屬之使不離散所謂民逌者如此

愾猶謹謹也

勞猶功也無廢汝始時勤政事之功以為汝王之美
述其始事者誘掖之也 曹曰自二章而下皆衍而
成篇以暢其意不甚相遠也

民亦勞止汙可小息惠此京師以綏四國無縱詭隨以
謹罔極式遏寇虐無俾作慝

吐得反

敬慎威儀以近有德

毛曰息止也

鄭曰罔無極中也

李曰不中也

毛曰慝惡

曹曰其本在王而已王誠能親近有德之人則詭
隨者不戒而自戢寇虐者不遏而自退此舜湯遠不

仁之道也

李曰敬慎其威儀則能親近有德之人

蓋禮貌苟衰則有德之人必去之矣觀厲王之世所

親者惟榮夷公之徒安能近有德哉 東萊曰此章

諫厲王遠小人近君子也

民亦勞止汙可小惕

起例反

惠此中國俾民憂泄

以世反

無

縱詭隨以謹醜厲式遏寇虐無俾正敗戎雖小子而式

弘大

毛曰惕息泄去也

曹曰泄瀉也謂泄天地之氣

孔曰月令醜衆也

鄭曰厲惡也敗壞也戎猶女也式猶用也弘猶廣

也 鄭曰今王女雖小子自遇而女用事於天下甚

廣大也

呂曰戎雖小子言王尚幼也抑詩亦言小子後云借曰未知亦既抱子言漸長也古者謂

童子為子記云小子侯是也

曹曰凡伯作板衛武

公作抑與召穆公作此詩三人皆王同姓之親或為

尊屬故稱之不嫌猶洛誥之書

周公稱成王為孺子冲子也 易曰君子出其言善

則千里之外應之況其邇者乎出其言不善則千里

之外違之況其邇者乎是以此戒也

民亦勞止汔可小安惠此中國國無有殘無縱詭隨以

謹繾

音繾

起阮反

式遏寇虐無俾正反王欲玉女是用大

諫

曹曰殘賊也

蘇曰繾繾小人之固結其君者也

曹曰

繾繾牢密之意

朱曰正反反於正也

曹曰至此則不復望

其康寧休息也僅得無相殘賊亦幸矣王曰正敗

者敗而已未盡反而為不正也正反則無正矣鄭

曰王乎我欲令女如玉然

蘇曰欲使王德純備如玉也

故作是詩

用大諫正女此穆公至忠之言

曹曰於其過惡已甚則極言而痛刺之不

止於諷而已

東萊曰民勞皆諫辭也

民勞五章章十句

板凡伯刺厲王也

鄭曰凡伯周同姓周公之胤也入為王卿士

孔曰畿內之國

李曰左氏傳曰凡蔣邢茅昨祭周公之胤也凡伯周公之後也入為王朝卿士春秋書天王使凡伯來聘則凡伯亦其苗裔世為王臣也

曹

朱曰此詩切

責其寮友用事之人而義歸於刺王也

上帝板板下民卒瘁

常但反

出話不然為猶不遠靡聖管

管不實於亶猶之未遠是用大諫

毛曰賦也板板反也

曹曰爾雅曰板板僻也板築牆所用障塞而不得通則僻可知

也鄭曰卒盡也

毛曰痺病也詁善言也

鄭曰猶

謀也

毛曰管管無所依也

曹曰管小物也

亶誠也

李曰

愛民者天之常道爾今天使下民皆病則反其常道

矣

朱曰世亂乃人所為而曰上帝板板者無所歸咎之辭耳

天降禍如此可畏可

不謹哉吾出詁以告之厲王不以為然而且肆於民

上則其所謀皆不遠矣

曹曰所謂愚而好自用者也

惟知耽樂於

目前不知禍之將至也管管無所依恃也

鄭曰言王無聖人之

法度管管然以心自恣也

人苟知有聖人之法度則必戰戰兢兢

不敢苟作

曹曰今蔑棄聖人則必管管然自用其私智故其所見之小也

其心既無

聖人矣則矯誣詐偽何所不至哉

朱曰其心以為無復聖人恣已妄行

無所依據又不實之於誠信

惟其謀猶如此不遠我是用大諫也

上言為猶不遠此又言猶之未遠蓋反覆言之矣自

下文以至末章皆是大諫也

曹曰厲王監謗小雅無刺詩惟召穆凡伯以親

賢之故極言而救之故皆云是用大諫也

天之方難無然憲憲天之方蹶

俱衛反

無然泄泄

以世反

辭

之輯

音集

矣民之洽矣辭之懌

音亦

矣民之莫矣

蘇曰難艱難也

毛曰憲憲猶欣欣也

曹曰法令數易之意也

蹶動也

蘇曰震動也

泄泄猶沓沓也

朱曰泄泄蓋弛緩之意

鄭曰辭

辭氣謂政教也

毛曰輯和洽合懌說莫定也

蘇

曰厲王暴虐恣行故告之曰天方為艱難以震動周

室

曹曰天道常易今人乃遇險難者天實難之也

無為是憲憲而不顧沓沓

而不已是不能以服民祇以速亂而已民之不順非

有異志也畏王之無厭而求以自免耳王苟於是而
出好言以動之則民洽而定矣 曹曰厲王苟能改
過如此是推其至誠之意修為播告之辭以見一人
之情以鼓天下之動孰不歡欣鼓舞從風而靡哉是
以和輯之辭感民則乖爭之意可合悅懌之辭感民
則怨亂之情可定故辭不可以已也

我雖異事及爾同寮我即爾謀聽我囂囂

五刀反

我言維

服勿以爲笑先民有言詢于芻

初俱反

蕘

如謠反

原
闕

欽定四庫全書

毛詩集解

卷六

--	--	--	--	--	--	--	--

毛曰憐怒也夸毗以體柔人也

孔曰李巡曰屈已卑身求得於人曰體柔

然則夸毗者便僻其形體以順從於人蘇曰夸大也毗附也小人之於人不以大言夸之則以諛言毗

之者

王曰善人載尸則不言不為飲食而已畏禍故

也毛曰殿屎呻吟也

釋文曰殿說文作念屎說文作呬

鄭曰蔡揆

也毛曰蔑無資財也朱曰惠順師衆也陳曰

天方怒女革女宜誠實以應天無為便辟鄭曰君

臣之威儀盡迷亂賢人君子則如尸矣不復言語

王曰民方疾痛呻吟而莫敢揆其事者

朱曰莫敢揆度其所以然

以王監謗故也故民喪亂無資王會莫惠我師

鄭曰民窮

如此曾不施惠以周贍衆民多瘠罔詔也

天之牖民如堦

許元反

如麓音池如璋如圭如取如攜

下圭反

攜無曰益牖民孔易民之多辟

匹亦反

無自立辟

婢亦反

毛曰牖道也

朱曰牖開明也猶言天啟其心也

土曰堦竹曰麓

孔

曰半圭為璋合二璋則成圭

蘇曰攜取言其易也

毛曰如堦如麓言相和也如圭如璋言相合也朱曰堦唱而麓和璋判而圭合取求攜得而無所費皆

言其易然也

李曰益者言無所求多也

朱曰辟邪辟也

李曰苟能順天之理以牖民則其教不肅而成其政

不嚴而治

蘇曰聖人之道民如暗者之願明而為之
牖焉導其天也是以託於天 劉濟曰開

其明者君也而曰天之牖民者以人君因其性之自
明而開導之耳 朱曰言天之開民其易如此以明

上之化下其
易如此也

特言攜者以帶上文言之耳 蘇曰其

導之也攜之而已不求多於民是以前導之甚易

東萊

曰亂雖極矣道之者固有簡易之理不作
聰明為邪僻以亂之行其所無事斯可矣

朱曰民既

多邪僻矣豈可又自立邪僻以導之耶

蘇曰方世之
盛也天下咸

聽於上而有一不從故刑足以勝今天
下皆不順雖有刑辟尚何從而立之哉

价人維藩

音泰

師維垣大邦維屏大宗維翰懷德維寧

宗子維城無俾城壞無獨斯畏

毛曰价善也

李曰价人或以為大人或以為善人或以為掌軍事者無所經見今姑兼存之

孔曰藩者園圍之籬王曰大師大眾也孔曰垣

者小牆之名朱曰大邦彊國也屏樹也所以為蔽

也

鄭曰漢輿服志云天子外屏諸侯內屏大夫以簾士以帷

王曰大宗巨室也

毛曰翰幹也王曰宗子同姓也李曰王所恃以

為藩垣屏翰蔽其國家者在此數者苟懷之以德則

無有不寧矣宗子維城言同姓之宗子亦當以德懷

之也左氏曰君其修德以固宗子何城如之所謂宗

子維城是也

曹曰藩垣屏翰備宮室可以安矣若夫城則周乎其外而為固守宗子之譬也

國之枝葉休戚同之藩垣屏翰恃以為固故大封同姓以為磐石之宗此周之所以宗彊也朱曰懷德

維寧則得是五者之助不然則親戚畔之而城壞城壞則藩垣屏翰皆壞而獨居獨居而所可畏者至矣

東萊曰前章告以為治之本此章告以為治之輔也

敬天之怒無敢戲豫敬天之渝

用朱反

無敢馳驅昊天曰

明及爾出王昊天曰旦及爾游衍

毛曰戲豫謂逸豫也 鄭曰渝變也 毛曰馳驅自

恣也 鄭曰及與也王往也 朱曰王往通言出而有所往也 旦明游

行衍溢也 朱曰衍寬縱之意 朱曰言天之聰明無所不及不

可以不敬也板板也難也蹶也虐也濟也其怒而

變也甚矣而王之君臣不之敬也亦知其有日監在

茲者乎 鄭曰昊天在上仰之皆謂之明常與女出

入往來游溢相從可不慎乎 張曰天體物而不遺猶仁體事而無不在也禮

儀三百威儀三千無一事而非仁也昊天曰明及爾出王昊天曰旦及爾游衍無一物之不體也 李

曰末章所言文王在帝左右是也而凡伯亦告厲王
以此者蓋古人責難於君以孔孟之時其君皆庸主
耳孔孟告之無非堯舜禹湯文武之道乃知古人之
事君無有不然也

板八章章八句

生民之什十篇六十四章四百三十三句

毛詩集解卷二十四